

Segundo reaccion...

NELSON ODUBER Y MEP FALTA CREATIVIDAD DEN OPOSICION

ORANJESTAD (AAN): Un democracia mester tin un esnan cu ta vigila bon, di acerca y cu creatividad loke e gobierno ta hasi. Pasobra ni con bon e gobierno ta, e por comete errornan y mester tin hende cu conocimiento pa hala atencion di gobierno na tempo. E tarea aki ta vacante awor aki na Aruba! Nos no tin oposicion cu ta hasi e tarea aki. Loke Aruba tin ta un grupo di hende cu ta cobra un bon salario, no presenta pa trabao y busca henter dia con pa stroba gobernacion. Sushamento di nomber di Aruba ta un di e strategianan aki. Ta tristo pero ta berdad! Sr. Nelson Oduber ta purba hiba oposicion mescos cu e a goberna: den forma di un one-man-show. Pasobra

masha sosten di su compañeronan di fraccion e no ta hayando. Al contrario, puitonan di tempo nan tabata minister ta saliendo cu ta pone mas duda serio ariba nan maneho durante cinco aña y mei. Te awor aki ta critica sin base so nos a tende di oposicion. Ningun proposicion, ningun plan di maneho di oposicion, ningun vision pa presente y futuro di Aruba manera AVP a hasi tempo e tabata den oposicion. Nada, nada, nada!

Aumento di pensioen: Ora a spera cu debate serio y substancial tocante di e aumento di pensioen di biehez, Pueblo a keda desapunta. No solamente pasobra no tabata tin argumentonan substancial, pero mas ainda pasobra e fraccion di MEP a actua asina contradictorio. A conseha

pa pospone e tratamento di ley di aumento di pensioen, despues a cuestiona e aumento seriamente, a presenta mocionnan pa no aumente, despues a presenta otro mocion pa aumente ainda mas halto cu gobierno a propone (aunke nan mes a bisa cu no por pague y cu e fondo ta bay caba), pa na final vota unanimamente na favor di e aumento di e premie! E comportacion aki a laga tur hende babuca y puntrando ta ki sorto di oposicion nos tin? Anto hendenan cu mester sa hopi mas cu hasta esnan sinta den gobierno, pasobra nan cu awor ta den oposicion a sinta e ultimo cinco aña den gobierno!

Discursonan di sr. Oduber: Pa ilustra e motibo di desapunto den MEP ainda mas, por scucha e contenido di e discursonan di e lider di

MEP di e ultimo tres simanan na radio. Aki atrobe MEP ta comete e eror di e ex-partido PPA, caminda ta e lider so tabata papia. Tabata manera cu no tabata tin otro personanan den e partido. Anto si ta asina, paga sr. Oduber so pa traha y manda e otronan bay hasi algo cu si nan por.

Den su discursonan sr. Oduber atrobe ta muestra un falta di creatividad, pa falta di vision di "goberna for di oposicion" manera AVP a hasi, e ta ripiti sin fin un cantidad di cosnan bieu, insinuacionnan. Un desapunto total cu ta un berguena pa un lider di oposicion y pior ainda pa e persona y e partido cu a maneha nos pais e ultimo cinco aña. Si ta asina a goberna nos pais anto ta di compronde ta di con nos pais, apesar di su crecimiento economico, ta den tanto

problema!

Cambia awor!: Sr. lider di oposicion y su miembronan mester hasi algo lihe y serio pa hustifica nan salario di parlamentario. Y nos no kier men solamente bay trabao, pasobra hasta esey ta dificil pa cierto miembronan prominente di fraccion di MEP y ex-ministro. Pero mas ainda, Pueblo ta spera di nan un contribucion for di den oposicion y NO SUSHAMENTO DI NOMBER DI HENDE DRECHI, INSINUACIONNAN Y SUSHAMENTO DI NOMBER DI ARUBA. MEP no mester comete e eror cu e ex-ministro y ex-parlamentario di e ex-partido PPA a hasi den su funcion di Minister. Esta di susha nomber di Aruba pensando cu e ta saca beneficio politico. MEP siña awor of yora mayan!

**PLACA
WARDA DEN
AUTO DEN
LAGOWEG
A DESAPARECE**

ORANJESTAD (AAN): E homber di inicial E.R.R.W. biba na Sero Blanco a denuncia un caso di ladronia.

Via di un bentana ladron lo a penetra den su cas. Segun inventario, ladron a bay cu varios articulo. Entre otro e ladron a scoge 4 botter di perfume, cadena di oro cu su dos hanger.

Un holoshi cu e ladron a topa den e buskeda tambe el a pasa man pe. Pa corona e obra un aparato di feita no a scapa, esaki tambe a desaparece.

Ta parce cu e ladron a scoge articulonnan pa e por drecha su tipo den futuro. Ta habon y skeiro di diente e tabata falta pa bay cune.

Mientras tanto doño di un vehiculo ta sinti falta di 5 envelop. Segun su denuncia di inicial E.R.R., for di su Isuzu color maron cu el a staciona den Lagoweg, desconocidonan a horta e envelopnan cu ta contene e summa total di 1.855 Florin.

B'A BUSCA.....!!!

